

故宮博物院
藏本
刊

御選詩詞·宋元詩會

故宮博物院編

海南出版社

第二冊 共三冊

故宮珍本叢刊第 634 冊清代詩文總集

故宮博物院編

御選唐宋元明詩
宋元詩會

第二冊（共三冊）

海南出版社

圖書在版編目(CIP)數據

御選唐宋元明詩/(清)聖祖選編. —影印本. —海口:海南出版社,2000.10
(故宮珍本叢刊)

本書與“宋元詩會/(清)陳焯編”等9種書合訂

ISBN 7-80645-752-6

I. 御… II. 聖… III. 文學-作品綜合集-中國-古代 IV. Z121.7

中國版本圖書館 CIP 數據核字(1999)第 68763 號

故宮珍本叢刊第 634 冊

清代詩文總集

御選唐宋元明詩 宋元詩會

第二冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2000年10月第1版 2000年10月第1次印刷

開本:787×1092毫米 1/16 印張:24 印數:1-400冊

ISBN 7-80645-752-6/7·29

定價:4170元(清代詩文總集10種共27冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

宋元詩會卷之二十六

院桐陳 焯默公輯選 後學程 仕松泉叅較

孫覺

字莘老高郵人甫冠從胡瑗受學為同學所推登進士調合肥王簿試館職預首選為校勘神宗初以昌王記室權右正言坐希旨舉劾大僚落職通判越州從通判以知諫院召嘗入對神宗言呂惠卿為利之故屈身王安石其交必解後果交惡復奏青苗民所不願出知廣德軍徙湖州廬州丁祖母憂去服除知蘇州福州入為祕書少監哲宗立遷右諫議大夫進吏部尚書御史中丞移疾提舉舒州靈隱觀卒年六十三

介亭

真人昔未起奔鹿駭四方連延天目山兩乳百里長有地跨江海無種生侯王中有燎穹昊刻石表壇場朱旗大梁野英氣吞八荒寥寥百年後故物亦已公所餘彼巉巖巖峰巔屹相望主人承明老星斗工文章築亭紫霄上坐客蒼林有攀雲弄明月曉宋元詩會 卷之二十六

星生扶桑禹山隔波濤簡書永埋藏願逢希夷使水土還故常

李 廌

字方叔其先自鄆徙壽州六歲而孤能自奮立稍長以學問稱鄉里謁蘇軾于黃州贊其文獻曰子之才萬人敵也鄉舉試禮部賦典貢舉遺之賦詩自勵謀諸祀禹將同薦之會相繼去國不果軾公為哭之勸作文祭之日皇天后土鑒之生忠義之心名山大川還焉古英靈之氣讀者悚然卒年五十一

文選樓

申轅應楚聘鄒枚適梁苑藩侯喜賓客賢賢易鷹犬黃綺遊漢庭羽翼繒繒遠秦府十八公攀附名益顯昭明梁才子文囿俾蒐選高齋切浮雲雄堞俯晴嶽尚應魏河間筆削非大典

驪山歌

君門如天漢九重君王如帝坐法宮人生難處是安穩何為來此驪山中複道連雲接金闕樓觀隱煙橫翠紅林溪谷暗迷八

駿朝東暮西勞六龍六龍西幸幾眉棧悲風便入夢清院霓裳蕭散羽衣空麋鹿來遊墟市變我上朝元春半老滿地落花人不掃羯鼓樓高挂夕陽長生殿古生青草可憐吳楚兩醺雞築臺未就已堪悲長楊五柞漢幸免江都樓成隋自迷由來流連多喪德宴安鴆毒因奢惑三風十愆古所戒不必驪山可亾國書侍兒小瑩裙帶旋剪香羅剝地坐嬌紅嫩綠寫珠璣花前欲作重重結繫定春光不放歸

張 耒

字文潛淮陰人十三歲能文十七作函關賦已傳人口遊學于陳學官蘇轍愛之因得從轍遊轍稱其文汪洋冲淡有一唱三歎之致弱冠第進士官主簿尉丞用范純仁薦為祕書正字歷著作郎史館檢討擢起居舍人紹聖初坐黨籍連貶徽宗立召為太常少卿復坐黨籍落職言者謂未全蘇軾計軾哀行服遂貶房州別駕晚謫南嶽廟卒年六十 宋元詩會 卷之二十六

夏日書懷

士而懷其居孔子亦云非賢臣事晉侯夜載使逃齊酖毒比燕居君子不可懷樂小必害大安近遠之迷野養驥驥當念和鑿馳一飽願即止幾何非大難高賢意有在汲汲不敢違安能守槽櫪長伴兒曹嬉

感遇

穰侯擅關中頗畏諸侯客按車計已遲終困范公策庸夫吞富貴百計私自惜勢移禍敗至智巧竟何益至公覽英俊直補乃無隙請看秦林餓亦脫趙子厄

斑竹

重瞳陟方時二妃蓋老人安冒泣路傍洒淚畱叢筠頗疑葛陂

化點點雷斑鱗慎勿脫水去人世多埃塵

糴官粟有感

持錢糴官粟日夕擁公門官價雖不高官倉常苦貧兼并閉園
廩一粒不甯分何待官粟空騰價邀吾民坐視既不可禁之亦
紛紜擾擾田畝中果腹才幾人我欲究其原宏濶未易陳哀哉
天地間生民常苦辛

離黃州

扁舟發孤城揮手謝送者山回地勢卷天豁江面瀉中流望赤
壁石脚挿水下昏昏煙霧嶺歷歷漁樵舍來此實三載鄰里通
假借別之豈無情老淚爲一酒篙工起鳴鼓輕櫓健如馬聊爲
過江宿寂寂焚山夜

晚歸寄無咎

宋元詩會 卷之二十六 三
屋東雲移山屋西日半壁餘天一劍青遠雨萬絲白官事凝可
了未遭官長責惟應見夫子不可別頃刻

廣化遇雨

浮雲蔽高峰臺殿延晚色風聲轉谷豪雨脚射山白東樓瞰虛
明龍甲排檜栢蕭森異人境坐視動神魄撞鐘寺門掩晚霽尚
殘滴相攜下山去塵靜馬無迹歸來解鞍歇新月如破壁但恐
桃花源回舟已青壁

贈無咎 三首

文風還正始磊落有諸君長者進後生亦使我有登譬如狸與
虎偶使並稱文終然不可及困我力空勸

觸有羸其角進有跋其胡膏車秣吾馬白日在修途雖乏無何
杯頗多未見書力學致事功良田本澆鋤

黃子少年時風流勝春柳中年一鉢飯萬事寒木朽室有僧對
談房無妾持帚此道人人事誰令余獨不

阿几

小兒名阿几眉目頗疎明日來書案傍學我讀書聲男見事業
多何必學讀書自古奇男子往往羞爲儒阿几笑謂爺薄雲無
密雨看爺饑寒妾兒豈合貴富翁家破篋中惟有書與史教兒
不讀書更欲作何事

寓陳雜詩 三首

朝雨如夢絲咫尺不相辨俄然晨光漏紺碧出天面天工易明
晦頃刻俄屢變今朝事大定雲物卷組練客有北來說蟪生被
數縣穀穗無一粒遺稭如立箭卑田成大澤投種哀莫見官人
情不知猶喜輪租辦典懷及餒寡獨愧吾飽飯

宋元詩會 卷之二十六 四

秦子从南海旅骨還故墟辛勤一生事空得數篇書琅琅巧言
語玉佩聯瓊琚知音能幾人憎者頗有餘書生事業薄生世苦
勤劬持以待後世何足潤槁枯典懷及平咎使我涕漣如道路
阻且長悲哉違撫孤

開門無客來永日不冠屨客知我老懶投刺輒復去端成兩相
忘因得百無慮故人在傍記書信不能屢興哀東坡公將拚却
山墓不能往一慟名議真有負可能金玉骨亦逐黃壤腐但恐
已神僊裂石終飛去

寄答參寥

我生爲文章與眾常不偶出其所爲詩不笑卽嘲詬少年勇自
辯盛氣爭可否年來知所避不敢出諸口時時未免作包以十
襲厚低心讓兒曹默然人後見君不能已頗亦陳所有君豈

少取之時以佳句授幽絃喜有聽清唱慰孤奏如何瞥然去使我不得友

夏日雜感二首

羣動入夜息我歸亦安眠脫我身上衣投枕體宴然朝日常營營有生不可閒義和敬其光幸此須臾間人生一世中大小無百年胡爲不自暇長抱勤苦歎才者勇設施誕者夸虎權彼有聖其心欲休諒無緣我本與世疎少慵老成頑何爲不引去坎軻行所艱

娟娟檐前月雖缺自娟好團團理絲蟲養身恃其巧無能老婦蝠乘夜出堂與那能捕飛蚊未解聒耳鬧悲歌草間蚓辛苦自鳴噪爾生可以默何所欲而噪鳴哇訴其渴謂若天可禱瘡蟬死不鳴豈以訴無效悠悠羣動情誰能辦醜好我歌豈徒然亦宋元詩會 卷之二十六 五

用自警告

冬日放言二首

秦人焚詩書意欲遂絕滅六經至今存何曾損豪髮興衰有天理人力自淺拙不憂驪山墓回首遭發掘

元子本豪爽頗復有俗氣孟嘉亦可人乃與較權勢燭強盡百年究竟成何事江左無英雄汝得免徒隸

潘郎以予生日見過致酒出兩詩

東風沛甘雨百物一時好江邊桃李盡紅紫到百草道衡負簪子寒食歸祭禱念我淮上丘三年不躬掃淮陽牡丹窟盛不數伊洛姚黃一枝開眾體氣如燥亭亭風塵表獨立朝萬萼誰知臨老眼更復羨葵蓬

于湖曲并序

蕪湖令寄示溫庭鶴湖陰曲其序乃云晉王敦反屯于湖陰帝微行至其營敦夢日逮之覺而追不及故樂府有湖陰曲

按晉地志有于湖而無湖陰本紀云敦屯于湖陰察營壘而去余頃遊蕪湖問父老湖陰所在皆莫之知也然則帝至于湖當爲斷句乃作于湖曲以遺之使正其是非云

武昌雲旗蔽天赤夜築于湖洗鋒鏑已演駭駿風作蹄去如滅沒來不斯日圍萬里經孤壁兵氣如霜已潛釋蛇矛賤士識天顏玉帳髯奴落妖魄君不見銅駝陌上塵沙起朔騎春來飲灑水浮江天馬是龍兒蹙踏揚州開帝里王氣尚縣五百秋弄兵老潺空白頭石城戰骨臥秋草更欲君王分上流

蘇叔黨呂知止自許下見訪叔黨有詩見贈賦此奉答

三年齊安看江山可當中原故人面北來塵埃逢故人眼前却宋元詩會 卷之二十六 六

作江山見君似江山定不疎能出吾言世亦無蘇郎下筆妙無敵呂郎與談驚未識風雛驥子未宜輕囊空各有千金璧贈君錦繡英瓊瑤報我琅玕金錯刀溪毛橫汗未相棄歲暮與君甘緼袍

少年行

少年賣珠登主門王家千金惜一身綠韞請罪見天子尚得君王呼主人關雞走馬長安道豪傑驅來奉談笑漢庭碌碌公與侯畏禍憂誅先白頭

代贈

洞房飛香作春霧僊人勸酒香中語明眸第二紫雲娘驚學歌聲柳如舞蹙眉長歌澧有蘭銀勾請君春草篇繁絃高張燭燒夜玉壺木盡參在天春泥雪消淮上路東風泥欲驚客櫓惱公

舊事幾魂夢過眼相逢一風雨黃流清洛上天漢吳山洞庭藏
水村漫題詩句寄歸舟江口風狂那得渡

片雪歌

瑤池一片孤飛雪風急身輕飛不歇誰將翠袖遮得歸十斛明
珠換與誰金龜貴客迎將去玉作輜輶載烟霧人間不解桃李
心獨與琵琶自相語主人白頭情不親朱樓夜鎖梨花春願同
花落寄流水飄出朱門隨路塵長恐此生空已矣從此失身輕
萬千人生但樂兩心知誰是瓊瑤孰泥滓鶯鷺中彈花辭樹蝶
散蜂稀春日暮風光不斷流水長不知片雪今何處

飛螢詞

碧梧含風夏夜清林塘五月初飛螢翠屏玉簾起涼思一點秋
心從此生方池水淡溪雨積上下輝輝亂凝碧幸因簾捲到尊
宋元詩會 卷之二十六 七

堂不畏人驚拂瑤席漢宮千門連萬戶夜夜榮煌暗中度光流
太液池上波影落金盤月邊露銀闕蒼蒼玉漏遲年年爲爾足
愁思長門怨妾不成寐團扇美人還賦詩避暑風廊人語笑欄
下撲來羅扇小已投幽室自分明更伴殘星碧天曉君不見連
昌宮殿洛陽西破瓦頽垣今古悲荒榛腐草無人跡只有秋來
熠燿飛

偶書 三首

秋陰漫漫幾千里赤壁磯前天接水連檣接柁不復行老魚孽
波時出戲黃橙紫栗收如積青錢買酒不堪惜北人歲久厭南
餐山邊有路何時還

瘴秋甚夜陰如一夜不見星朝蔽日枯嚙已獲大野空怒江未
落連州沒長魚撥刺不受釣漁子高眠守蓬草紫茸舊宮誰復

遊鼎峙雄心久蕭瑟

周郎戰處滄江回魚龍蕩漪山石摧荊州鐵鼙莫舉鐵走君不
勞一炬灰當年雄豪誰復在喬木荒煙忽千載斷竹截作寸笛
材一爲山川萬古哀

勞歌

暑天三月元無雨雲頭不合惟飛土歲堂無人午睡餘欲動身
先汗如雨忽憐街里負重民筋骸長轉十石弩牛納遮背是生
涯以力受金飽兒女人家牛馬繫高木惜恐奔驅犯炎酷天工
作民良久難誰知不如牛馬福

江南曲

江浦芽白江水綠江頭花開白幽淑人家晨炊欲熟時旋去網
魚惟所欲往來送租只用船未省沙泥曾汗足有錢買酒醉鄰
宋元詩會 卷之二十六 八

里終日數口常狂目不學長安貴公卿每遣離心寄朱轂朝遊
巖廊暮海島謫人未歸心自逐

牧牛兒

牧牛兒遠陂牧遠陂飼牛芳草綠兒怒掉鞭牛不觸澗邊柳古
南風清麥漲蔽日田野平鳥健犢角逐草行老牯卧嚙餓不鳴
犢兒跳梁沒草去隔林應母時一聲老翁念兒自攜鋤出門先
上岡頭望日斜驟雨溼蓑衣拍手唱歌犢歸遠村放牛風日
薄近村牧牛泥水惡珠玑燕趙兒不知兒生但知牛背樂

讀中興頌碑

玉環妖血無人掃漁陽馬厭長安草潼關戰骨高於山萬里君
王蜀中老金戈鐵馬從西來郭公凜凜英雄才舉旗爲風偃爲
雨洒滌九廟無塵埃元功高名誰與紀風雅不繼騷人歎水部

胸中星斗文太師筆下蛟龍字天遣二子傳將來高山十丈磨蒼崖誰持此碑入我室使我一見昏眸開百年廢典增歎慨當時數子今安在君不見荒涼潯水棄不收時有遊人打碑賣

魯直惠洮河綠石作水壺研次韻

洮河之石利劒矛磨刀日解十二牛千年荒微因沙磧一日見寶來中州黃子文章妙天下獨駕八馬森幢旒平生筆墨萬金直奇煤利翰盈篋收誰持此研參案几風瀾近手寒生秋包持投我棄不惜副以清詩帛加璧明窗試墨吐秀潤端溪歛州無此色野人齋房無玩好慙愧衣冠陳裸國晁侯碧海爲文辭盤礴萬頃澄清滿新篇來如徹扎筋勁筆更似畫沙錐知君自足報蒼璧愧我空賦瓊瑰詩

福昌秋日效張文昌二首

宋元詩會 卷之二十六

九

秋野無人秋日白禾黍登場風索索豆田黃時霜已多桑蟲食葉畝空柯小蝶翩翩晚花紫野鶉啄粟驚人起洛陽西原君莫行秋光處處傷人情

黃桑蕭蕭秋水清田中日午村鷄鳴場邊九月禾黍熟空原雉飛飽新穀東籬蟲鳴村路曲道邊古墳生野菊人稀田澗草茫茫洛陽秋淡能斷腸

題韓幹馬圖

頭如翔鸞月頰光背如安輿鳬臆方心知不載田舍郎猶帶開元天子紅袍香韓幹寫時國無事綠樹陰低春晝長兩鬣執轡儼狂飈如瞻馳道黃屋張北風揚塵燕賊狂廐中萬馬歸范陽天子乘驪蜀山路滿川苜蓿爲誰芳

閻沙阻風

大江春風浪如屋客舟迎風岡沙宿連檣接柁古岸傍岸頭無人春草綠船頭日出炊煙起買魚攜菜來就市漁人水惡不出門蕭條野市無雞豚堤邊紙錢灰若雨洗酒賽神巫降語南人艇子不避風橫江五兩翩翩去

北鄰賣餅兒每五鼓未且即達街呼賣雖大寒烈風不廢

而時略不少差因爲作詩且有所警示結柁

城頭月落霜如雪樓頭五鼓聲欲絕捧盤出戶歌一聲市樓東西人未行北風吹衣射我餅不憂衣單憂餅冷業無高卑志富堅男兒有求安得閒

讀蘇子瞻韓幹馬圖

我雖不見韓幹馬一讀公詩如見者韓生畫馬常苦肥肉中藏骨以爲奇開元有臣善司牧四十萬匹中山谷養之罕用食之

宋元詩會 卷之二十六

十

豐力不曾施空長肉韓生圖像無乃然我謂韓生巧未全君不見咎時騏驎人未得餓守鹽車唯有骨昂藏不受塵土侵伯樂未來空佇立騏驎乏食肉常臞韓生不寫瘦馬駒誰能爲驥傳之圖不如凡馬飽青刍

再和馬圖

我年十五遊關西當時唯揀惡馬騎尋州城西戲驂馬勇士十人不可羈牽來當庭立不定兩足人立迎風嘶我心壯此寧復畏撫鞍蹕蹕乘以馳長衢大呼人四走腰穩如植身如飛橋邊爭道挽不止側身逼墮壕中泥縣空十丈才一擲我手失轡猶攢蹄迴頭一躍已在岸但見滿道人嗟咨關中本地草木短盡日散漫游忘歸驅馳寧復受鞭策進止自與人心齊爾來十年我南走此馬嗟嗟入誰手楚鄉水國地卑汙人盡乘船馬如狗

我身未老心已衰夢寐時時猶見之想圖思画忽有感况復慷慨吟公詩達人遇境貴不惑世有尤物常難得寧能使我即無情搔首長歌還歎息

郭園送蕪菁感成長句

蕪菁至南皆變稔蕊美在上根不食瑤簪玉筍不可見使我每食思故國西鄰老翁知我意盈筐走送如雪白蒸烹氣味元不改今晨一餐和南北孔明用蜀最艱窘百計捋拾無遺策當時此物助軍行渭上褒中有遺植英雄臨事究瑣屑終服奇才屈強敵想見躬耕自灌畦當時有意誰能測

蕭朝散惠石本韓幹馬圖馬公後足

世人怪韓生画馬身苦肥幹寧忍不画驥骨當時廐馬君未知開元太平國無事戰馬卷甲飽不騎玉關棄駝通萬里長安第宋元詩會

卷之二十六

士

宅連諸姚笙歌錦繡過一國六龍長閉空食粟霜甜秋草沙苑遊日暖春波渭川浴雕圓腰穩目生光細尾豐膚毛帖肉珠鞍玉韁驕不行豈有塵埃侵四足韓生丹青寫天廐磊落萬龍無一瘦豈知車下骨如牆饑餓草根刺傷口君家古圖才半身千里騰驤已有神迴身側顧不無意剪鬣絡頭嗟失具君不見太宗戰馬拳腹毛身騎此馬縛羣豪龍虎精神金鼓氣豈有閒地供脂膏至今画圖快胷臆想見虬鬚親破賊那知但愛廐中肥漁陽飭脚蹄如石神駒入水隨煙雲蜀山石路無行人六驥悲鳴足流血騎驛遺事一酸辛

奉先寺

荒涼城南奉先寺後宮美人官葬此角樓相望高起墳草間栢下多石人秩卑焚骨不作塚青石浮屠當丘墳家家墳上作享

亭朱門相向無人聲樹頭土梟作人語月黑風悲鬼搖樹宮中養女作子孫年年續車來作主廢后陵園官道側家破無人掃陵城官家歲給半千錢街頭買餅作寒食

田家

野塘積水綠可染舍南新柳齊如剪去冬雪好麥穗長今日雨晴初擇蘭東家饋黍西舍迎連臂踏歌村市晚婦騎夫荷兒扶翁月出橋南歸路遠

海州道中二首

孤舟夜行秋水廣秋風滿帆不搖獎荒田寂寂無人聲水邊跳魚翻水響河邊守蟹茅作屋疊頭月明人夜宿船中客覺天明誰家鞭牛登隴聲

秋野蒼蒼秋日黃黃滿田蒼耳長草虫吟吟復咽一秋雨宋元詩會

卷之二十六

士

多水滿陂渡頭鳴春村徑斜悠悠小蝶飛豆花逃屋無人草滿家壘壘秋蔓縣寒瓜

女几祠下

山邊白雲閒不掃山下松花龍甲老東風古栢吹暖香廟前土馬荒春草朝霞爲裳水爲珮守廟千年老龍在清風掃堂神欲還山頭月出溪潺湲

從黃仲閔求友于泉

炎暑戰已定清秋當抗衡碧雲生雁思幽草見蛩情晒麥村墟靜觀書枕簟清誰能酌玄酒來破屈原醒

贈陳履常

勞苦陳夫子欣衾病肺蘇席門還次數僧米及時無旨蓄親庖急青錢藥裏須我場方不給何以禁君駒

至安化驛先寄淮陽故人

蕭條安化驛，客思悠哉積。水連天澗青山，送客來疎籬。風捲
葉敗屋，雨生苔。寄語淮陽舊人，今放逐同。

酬同年徐正夫司戶時欲築室嵩洛間

少別老相見，無言空惘然。功名屬多病，詩酒樂衰年。舊厭公
粥饗，須趙壹錢歸。裝何日辦，嵩高好林泉。

破幌

破幌一點白，卧知千里明。低窗通雪氣，喬木尚風聲。傳柝軍城
靜，鳴鐘梵刹清。高眠尋斷夢，鄰樹已烏驚。

秋懷三首

木落晚風急，宵涼侵暑衣。有期惟向老，無計未成歸。只益顛毛
脫，還從髀肉肥。感時仍弔古，回首意多違。

宋元詩會

卷之二十六

三

衰鬢不堪洗，病軀先覺陰。天寒白日短，歲暮亂山深。薄酒醒無
力，危絃奏不禁。謀身老逾拙，三聽洛陽砧。

清秋萬里興，力疾上高臺。歲熟雉兔飽，風高榆柳摧。晚篁元自
綠，幽菊爲誰開。寂寞無人問，鄉書久不來。

宿銅陵

山色日已遠，問人歸路長。碧天涼後潤，秋物雨餘荒。人靜路傍
寺，鳥啼林下房。銅陵竟何就，空夾漢吳王。

冬夜

山靜寒雲薄，天空孤月明。霜桐占塔影，風葉繞廊聲。經濟心難
就，蹉跎歲屢更。冥鴻本清遠，何事亦宵征。

和西齋

山色俱開鏡，溪光照掩扉。暗蟲先夜響，萎葉近飛。濯灑晴疏

出窺簾幕鶴歸鳴琴坐明月輕露點秋衣

春寒

客舍逢桃李，清尊聊自懽。夢中驚夜雨，醉裏度春寒。草色遠還
綠，鳥聲晴更繁。預期多病眼花發，莫看。

歲暮書事二首

歲晏北風疾，山空萬谷號。木枯隨意折，鴻斷不成高。溪屋支蓬
戶，溫爐暖溫袍。老夫元不寐，鳴竹鼓蕭騷。

原廟依岡起，傳爲世祖營。南陽無雉熊耳合，投兵霜日蓬原
路。天風栢殿聲，山川英氣在，不負管岑名。

宿東魯父店

郡國何時極，羈愁觸處生。望隨天不盡，春共野兼平。煙樹淮南
潤，漁鹽楚俗輕。飄零五年別，歎息鬢毛更。

宋元詩會

卷之二十六

古

春望

暖日晴暉草，清淮澗浸天。地卑連遠水，城廢入春田。目極風燈
外，愁懸淚臉邊。人生苦感花，柳自年年。

同七兄及松上人自墳莊還寺

和風快人意，岸幘晚矜涼。日落野痕碧，月生淮際光。論詩得靈
運，靜語屬支郎。不是耽閑散，從來懶性長。

蔡河漲

渾渾雖未已，浩浩竟東歸。澗處長天近，澄邊一鳥飛。西風疎葦
亂，斜日遠村微。淹泊從吾道，扁舟伴釣磯。

泊長平晚望

江穩夷猶櫂，春歸杳霽天。翠漢交岸樹，綠遠望川田。漁酒數家
市，帆檣何處船。登臨一回首，無恨亦依然。

夏日三首

蚓壤排晴圓蝸涎印雨堦花鬢嬌帶粉樹角老封苔問字病多
忘過隣慵却迴晚涼還鹽櫛對竹引清杯

細徑依原僻茅蓬四五家山田水雉免溪雨熟桑麻竹籠辰收
果茅菴夜守瓜頗知農事樂從此問生涯

夜色川原合秋聲草木催屋辰隨地澗河漢抱山來栖鶴涼先
警鐵鳥夕未回高樓對斜月鳴笛正清哀

冬日雜興二首

池虛留餘雪西山照夕曛臘催梅藥進春向鳥聲新愁思仍當
病風光欲近人年年桃李樹相對只傷神

南壁蒼崖壯竈冬井落閒風聲先老樹日色避諸山落雁機相
向啼鳥夕自還微微寒月影蓬戶已深關

宋元詩會

卷之二十六

五

擊柝山城閉疎燈野店扁疾風鳴夜谷晴水動浮星霜翼歸何
晚鄰機織未停短歌時自和愁絕更誰聽

建平途次

野橋田徑滑官路柳條新流水伴遲日野花蘭脫春點空知去
翼衝綠有歸人自笑諳岐路無勞更問津

暮春

夜雨輕寒拂曉晴牡丹開盡值清明庭前落絮誰家柳葉裏新
聲是處鶯白髮欲來如有信青春歸去更無情便當種林長成
酒遠學陶潛過此生

夏日雜興

墻下溪流清且長夾溪喬木兩蒼蒼裏風翠果擎枝重照水圓
荷舞葉涼蝸殼已枯黏粉壁燕泥時落污書牀南山野客閒相

過贈我能攜藥滿筐

屋東

套鳩呼雨屋東啼麥穗初長燕子飛竹裏人家雞犬靜水邊官
舍吏民稀溪聲夜漲寒通枕山色朝晴翠染衣賴有西隣好詩
句廣酬終日自忘機

登海州城樓

城外滄溟日夜流城南山直到城樓溪田雨足禾先熟海樹風
高葉易秋疎傳里閭詢故老秦皇車甲想東遊客心不待傷千
里檻外風煙盡是愁

京師廢宅

當道朱門白晝扃高堂歌吹久無聲古街積雨昏殘画朽樹輕
陰長寄生門下老人時酒掃舊時來客歎平生艷姬驕馬如何
宋元詩會 卷之二十六 六

登城樓

沙雨初乾巾褐輕獨披衰蔓步高城天晴海上峰巒出野暗人
家燈火明歸鳥各尋芳樹去夕陽微照遠村耕登樓已恨荊州
遠况復安仁白髮生

送泗州推官王承年致仕還鄉王年四十而致仕士大夫

所少也

為憶田園便拂衣休官退勇似君稀塵埃擺脫青衫去闕里驚
嗟黑髮歸南畝稻糧仍歲熟舊山芝朮入秋肥百年從此皆閒
日寄語人間浪是非

自海至楚途次寄馬全玉

蕭蕭晚雨向風斜村遠荒涼三四家野色連雲迷稼穡秋聲傳

曉出兼葭愁如夜月長隨客身似飛鴻不記家極目相望何處是海天無際落殘霞

夏日

黃簾翠幕斷飛蠅午影當軒睡未興枕穩海魚鑄紫石扇涼山雪畫青繒廊陰日轉雕欄樹坐冷風生玉盃水滿案詩書塵盡甚故應疎懶過炎蒸

遣興和晁應之

蓬門鳥雀啅黃昏歸遲牛羊各有羣水濶蛟龍陰後出山空虎豹夜淩奔西來谷引秦川雨南去秋連楚澤雲唐虞廢興無處問西風不忝但丘墳

渡洛因泛舟東下數里頗憶淮上

云云清洛轉山隈渺渺東流不復回輕鳥竟隨青嶂去亂波爭泛夕陽來偶驚丹楫鄉心起乍脫塵埃病眼開疑是肝胎郭門外月明帆席過清淮

宋元詩會

卷之二十六

七

和周廉彦

山光不動晚雲垂芳草初長靄馬蹄新月已生飛鳥外落霞更在夕陽西花開有客時攜酒門冷無車出畏泥修袂洛濱期一醉天津春浪綠浮堤

春日遣興

流光向老惜芳菲搔首悲歌心事違綠野染成延晝永亂紅吹盡放春歸荆榛廢苑人閒牧風雨空城鳥夜飛斷送一番桃李盡可憐桑柘有光輝

卧病月餘呈子由

風葉鳴窗已復朝喚同歸夢故山遙酒醒暗淡浮塵集藥鼎青

榮敗葉燒閉戶獨依寒蟋蟀移牀更就雨芭蕉病淡欲請安心術長日如年未易消

次韻張公遠

平淡春雲捧額浮秋光劒戟近人流無腸可斷方爲恨有藥能治不是愁欲待挑琴聊試術未傳驅豆夏何謀遙知添得寒窗夢尤在尊堂綺席頭

雙槐晚秀三月一日初見新葉

東皇無處著繁華亦復分張到我家他日老蒼悲敗枿今晨嫩綠出新芽禿翁承弁織纖髮村婦縈鬟草草花桃李蹊中人迹絕綠陰門巷正藏鴉

登山望海

烏去蒼煙古木人歸綠野孤舟信美雖非吾土消愁且復登樓宋元詩會

卷之二十六

大

雲溪道至四安鎮

苔雪清秋水底天夜帆燈火客高眠江東可但鱸魚美一看溪山直萬錢

上元都下二絕

淡薄晴雲放月華晚粧新暈臉邊霞管絃樓上爭酤酒巧笑車頭旋買花

驕馬金鞭白面郎雙鬟小女坐車箱輪聲轆轤歸何處畱得紅籠絳幘香

傷春二首

浮雲冉冉送春華怯見輕寒日欲斜半夜雨聲能幾許曉來落盡一城花

嫩紫妖紅惜不得亂隨風雨點蓬蒿荒田野草花開晚玉管春

光屬爾曹

春雨中偶成

春陰只與睡相宜卧聽鳴禽語復飛一縷斷香浮不散何人淡

院畫熏衣

懷金陵二首

壁月瓊枝不復論秦淮半已掠荒村青溪天水相澄映便是臨

春閣上魂

曾作金陵爛漫遊北歸塵土變衣裘菱荷聲裏孤舟雨卧入江

南第一州

宋元詩會

卷之二十六

尤

宋元詩會卷之二十七

皖桐陳焯默公選輯

後學程仕松臬叅較

賀鑄

字方回奇川人孝惠皇后之族孫也長七尺面顴色喜談時事可否不少假借博學強記工詩文尤善于度曲化陳詩為新奇出人意表其氣概雄爽近于任俠初娶宗人女諱籍右通監太原工作元祐中李清臣執政奏換通直郎通判泗州又倅太平州以尚氣使酒不合于時退居吳下自號慶湖遺老以終有集二十卷

故鄆

按鄆都記漢建安十二年曹操滅袁氏始大築鄆當時京兆洛陽南陽許皆大都而鄆為之長操子丕代漢復定都洛陽此後僭竊更據鄆而未始殘破元魏孝文帝自代南巡駐蹕鄆下久之以南望枉人山北接栢人縣非善地遂去之河南將行挂飯畧于城樓上識者解之挂飯縣餼也豈待玄孫宅

宋元詩會

卷之二十七

一

此手至孝靜帝果為高歡劫遷都鄆齊五王營建宮室規模壯麗逾前魏周武平齊焚撤略盡及楊堅克尉迴遂濟諸之築京觀于葛屨山徙郡治安陽鄆猶為屬邑臨寧間始廢之戊午九月獨遊晚歸馬上賦

魏武營恢圖北平譚尚璧下鄆築新都非徒為三穴將行遷鼎志遠有分香訣落日總帳空奠終歌舞闌旋垂灑洛上載起蒼龍關四葉不歸東苔花馳道絕食槽識終驗挂飯期先決擾攘百年間累車尋覆轍山川氣象變朝市繁華歇白露復青蕪茫茫換時節陰風吹葛屨燐火走兵血木葉下西陵寒蟲助駭眉

燭蛾

雙蛾來翩翩慕此堂上燭附炎竟何功自取焚如酷威彼萬動微保生在無欲不見青林蟬飲風聊自足

題蘭陵王碑陰

碑載王名蕭字長恭北齊文襄之子王有武略善撫士每得一瓜數李必分甘餌衆金墉之戰免胄先登推功第一今蘭陵王曲卽凱歌也爲後王所忌得疾不治而卒以鳩毒墓在滄陽西南十里碑字大兼分隸法有古氣而不著書人名文乃盧思道也

齊室生武賢蘭陵類頗枚析瓜饗虎士壓慰比梁肉金墉免胄戰破陣何神速樂府有遺聲當歌凱旋曲磐宗旣不壽霸祚宜爾促十代六百年人間變陵谷荒塗接幽壙誰復禁樵牧之石牛欲摧鉤鋤斷鼉足蒼苔蝕篆刻仰睇眴塵目操翰無愧辭千言不爲辱人生安區別共盡同草木何待雍門彈令君淚盈躬冠氏送武欽之安陽

宋元詩會 卷之二十七

黃金絡征轡之子待明發樽酒少遲留神林見涼月歌鬟結蛾黛怨此佳期濶去去柳堤風青蟬催白髮

遊雲龍張氏山居

雲龍山距彭城郭南三里郡人張天驥聖壘築亭于西麓元豐初郡守眉山蘇公屢登燕于此亭下畜二鶴因以放鶴名亭復爲之記亭下有小屋曰蘇齋壁間瀉翁山所畱一詩及幽大枯株亦公醉筆也壬戌秋余初至徐張惠然見臨繼相招爲山中遊

谷爲張逸民卜築雲龍山東望結遐想喜得彭城官一語定襟契宛如平生歡招攜屬休沐投此蘿薜間女僕侯門巷青桂雙翠鬟蘇齋軒戶明餅火焚椒蘭寶墨鬼神護清詩水玉寒森然拱簷雷架石排琅玕東趨放鶴亭磴道披茅肯捐顧百村落炊

煙林莽間日腳灑平陸兩山如斷環淒風振晚葉坐怯衣裘單引領紫霄極飄飄如可干緬懷眉山公五馬來遊盤酣興走顛筆蒼崖口號刊午年仲冬月雪野雲彌漫掃石生舒嘯惠泉高鳳團當時詫盛集千古阿達安俛仰迹遂東斯人久泥蟠我來後千日逸躡何由攀仰懷勝事往俯遵塵路還山靈能不辱時款白雲關

登黃樓有懷蘇眉山

登黃樓望黃州黃州望不見樓下水東流水流何可畱浮雲飄悠悠傷心澤畔客憔悴楚蘭秋

和張謀父遊石佛山觀魏太武書

按南北史彭城圖經魏太平眞君十一年太武南侵至瓜步築宮駐蹕聲欲渡江宋人患之遣使請婚償百牢以編師明年春旋師渡淮復畱連徐方再旬始北去今彭城南五里因山鑿佛高十許丈東北百步有大磐石欹枕小溪劃然四字曰阿彌陀佛皆徑尺餘蓋當時太武以鐵筆畫是字非刊刻也乙丑秋張謀父賦詩要余屬和焉

宋元詩會 卷之二十七

中區咎屯否代邦天所開鴻圖屬太武不世英雄才南洗洛陽血西盪長安灰輓車十萬乘略地驅風雷一葦濟長淮築宮瓜步隈東隣拜牢饒走使爲婚媒雲旗卽歸路覽勝此徘徊俯揮鐵馬鞭頑石同陶坏劃成四大大字屹栗陰紅摧淪精入崖壑怒氣羞蟠回茫茫六百年風雨生莓苔偉蹟侵銷泯威靈安在哉君爲訪古遊賦詩追七哀人生誰不爾零落全塵埃

登金陵雨花臺

迢迢朱雀航飛蓋共凌越東風石子岡芳草微徑絕生公法堂

狂清夜貯明月同認城郭遊春尊爛晴雪長煙動江陳微雲起
山角連牆去遲同白鳥屢明滅

遊百福寺即唐詩人張司業舊故居

文昌西郭居修竹閉環堵琴樽不復存青蓮開梵宇塵紛晦遺
像粉繪才可觀拜奠愧無言長哦古樂府

金山

輕舸放中冷岸遠春風壯機師俯仰呼天水爭驚蕩吾方扣其
舷聊展小海唱梢回即東菴側磴聯履杖危利表層巒疲筋膝
牽繩糾廊緣複殿魚脊分背向放目四垠寬秋毫入吾望侵雲
鐵甕壘崛起無緣傷映日海門山不帶滄波上吾雖百石吏平
谷有微尚俄得金仙徒翦蘿開岫幌替投桑榆年浮王翁自况
和潘幽老漢上屬目

宋元詩會 卷之二十七

四

白雲蒙山頭清川山下流芳洲采香女薄暮深歸舟並蒂雙荷
葉逢迎一障羞持情不得語大婦在高樓

望夫石

亭亭思婦石下閣幾人代蕩子長不歸山椒久相待微雲陰髮
彩初月輝蛾黛秋雨疊苦衣春風羅帶宛然姑射子矯首塵
冥外陳跡遂無窮佳期曾莫再脫如魯秋氏長結桑下愛玉質
委泥沙悠悠復安在

寄題海陽周氏濂溪草堂

江華人周茂叔仕至尚書郎累使嶺表中年投節退居浚城
之南溪上因名濂溪以自况二子壽元翁燕字次元相踵第
進士丙子五月余艤舟漢陽始與元翁相際求余賦詩

濂溪之水清未足濯公纓平生抱苦節成就此溪名長歎置符

傳孤雲歸思輕溪頭四壁居溪下百畝耕豈汲奉晨盥課樵其
夕烹希逢杖屨遊但聽絃歌聲為客開三逕傳家惟一經雙珠

光昭乘合璧價連城褐被有餘樂問嫌無隱情替仰名父子今
推難弟兄不應文範後遽謂公慙卿勒詩高崖石敢告後代生

彭城三詠

元豐甲子余與彭城張仲謀父東萊冠昌朝元卿彭城陳師
仲傳道臨城王適子立宋城王祖文舉采徐方陳述分詠之
余得戲馬臺斬蛇澤歌風臺三題即賦焉

秦蛇已中斷劉項方龍戰叱咤沮風雲睚眦行走霆電鴻溝一畫
天地開楚王洗劍東歸來新都形勝控淮泗籠山絡各營高臺
重瞳登覽何為者不知招賢知戲馬上如激矢下投九蘭筋霜
腕便同盤半夜悲歌雖不逝明日陰陵行路難驂叱三千歸漢

宋元詩會 卷之二十七

五

苑栗豆尤登蠶縣官君不見壽山之陽古坵牧春風吹草年年
綠 石戲馬臺

君不垂酒濱咎日有亭長送徒咸陽失收掌湯中置酒飲相訣
吾亦從茲莽芒碭陰風蕭蕭導者懼前有修蛇怒橫路酒酣拔
劍百雷行劃斷蜿蜒不回顧河明月出人踵來復離何冤號且
哀謂遭赤帝屠吾子語竟莫知安在哉真人登此自心許范范

四海吾其王虎變龍飛十二年餓項梟英直孤鳳半夜雄鋌飛
上天幾見長陵一坏土 右斬蛇澤

漢祖高風百尺臺千年客土生蒿萊無窮人事水東去如故地
形山四來江淮猶沸鯨鯢血八十一車枉歸轍白髮逢迎皆故
人斗酒歡呼惜將別峭麗迢遙非我鄉歟生此地鳥能忘灝闊
鳴筑動雲物青衿兒曹隨抑揚爾時可無股肱力端思猛主年

四方君不參淮陰就縛何慷慨解道烏盡良弓藏

右軍風臺

江南曲

遊倡舉杜若別浦鴛鴦落向晚鯉魚風客櫓千里泊當時桃葉
是新聲千載長餘隔水情烏衣巷裏人誰在白鷺洲邊草自生
留別僧訥

允從西班牙誰比數牛僧馬醫爾汝詩解窮人未必工苦調酸
聲效梁父柴陽道人方外交謂我有言追屈騷騷珠不惜彈黃
雀狗尾何堪聯黑貂秦淮潮上扁舟發後日相思一書札千里
同風了了然人間無處無明月

叢臺歌

累土三百尺流光二千年人生物數不相待摧頽故址秋風雨
武靈舊隴今安在秃樹無陰困樵采玉簫金鏡未銷沈幾見耕
宋元詩會 卷之二十七

六

夫到城賣君不參叢臺全盛時綺羅成市遊春陣一從凋聲閉
荒草蕭散行雲無復歸招魂想像風流在晴窗露臺猶依稀榮
紆棘逕撩人衣禾黍晚成羶貉肥層簷碧瓦碎平地夢作鷺鷥
逐伴飛登臨弔古將語誰城郭人民今是非指君看取故時物
南有清流西翠微彷徨尋表不能去豈獨遠東丁令威

雨餘晚望

相應乳鳩鳴桑間返照平明津小舫度高隴一牛耕林藪歸心
健塵埃病骨輕屈騷魂爽在未許獨君清

自鄆還徐道中

八月過新雨行雲弄晚涼山川乍明晦禾黍半青黃西去真何
事東還非故鄉悠悠塵土裏無路不瓜羊

丙寅舟次宋城作

水館雨邊村登臨奈斷魂黃花開小徑紅粉哭高原舟楫逢新
火松楸老故園斜陽一千里依約是蘇門

湖桂林從叔

江到三湘盡山圍八桂簇龍蛇寒不墊霧露晝多陰迢遞馳梅
信殷勤訪竹林淮南風土美畱滯亦何心

懷寄潘孝本兼簡其子言

春色先梅嶺秋聲後桂林溪通五羊險雲近九疑陰無雁難逢
信有猿能伴吟燒春酒自美應對阿戎斟

宿黃葉嶺田家

聚落荒山裏畝田歲不登牛衣障隙雪鼠穴見隣燈愁入魚難
贖寒凝酒亦水悵然歌白石推枕待晨興

金陵懷寄歷陽王椽

宋元詩會 卷之二十七

七

征魯亭邊路望夫山下舟長江不隔夢明月祇供愁促席歌塵
斷閒窗醉墨畱惜芳橋畔柳誰繫木蘭舟

秦淮夜泊

官柳動春條秦淮生暮潮樓臺見新月燈火上雙橋隔岸開朱
箔臨風弄紫簫誰憐遠遊子心旆正搖搖

秋夜登雨

故國心馳北扁舟計漫東寒生一夜雨病涉兩秋風落泊離根
葉幽憂屋角蟲何情悲節物聊自况衰翁

龜山晚泊

春候半寒溫維舟淮上村長林補山罅青草際潮痕久厭浮家
役重招去國魂禪房欲舒寫煙雨促黃昏

江夏寓興

風與橋鳥便儂先塞雁來山經七澤斷潮自九江回漁父猶知
隱騷人枉街才朋遊正相遠梅信爲誰開

病後登快哉亭

經雨清蟬得意鳴征塵斷處見歸程病來把酒不知厭夢後倚
樓無限情焉帶斜陽投古剎草將野色入荒城故園又負黃昏
約但覺秋風髮上生

題永城縣園水亭

詰曲池塘碧玉流袂亭孤占小汀洲長初座上芳蘭佩不繫簪
前画錫丹好泛羽觴修舊事爲書繭紙記清遊季真待得東還
日初見紅蕖十畝秋

罷大匠屬爲淮南行

何處經行特惘然津頭曾送木蘭船桃花春水生前夜楊柳秋
宋元詩會 卷之二十七

風憶故年驛路尺書疑斷絕官倉斗米愧留連飄飄復作江湖
計從此長安是日邊

與張歷陽追懷從禽之樂因賦

宜秋門外養鷹坊好草陂頭射雉場油幕璚盧張野飲錦袍貂
帽結戎妝典關落日黃塵斷夢後西風白髮長誰念江湖獨流
寓此情難話與漁郎

塵陽姥磯下馬上有懷京都遊好

楚澤初冬正獲田孤鴻欲下却翩然人煙隱約青山郭雲物離
披小雪天送別盃盤猶昨日勞生鞍馬遂龍年故人多在金蘭
籍誰念心如寸斷絃

宿芥塘佛祠壁間得魏湘畢平仲張士宗答所留字皆言
故人也

青青薤葉欲抽區浩蕩東風晚更狂微遲斷橋尋古寺短籬
樹隔橫塘開門未掃楊花雨待曉先燒柏子香底許暫忘行役
倦故人題字滿長廊

上已晚泊龜山作

薄暮東風不滿帆遲遲未忍去淮南故園猶在北山北佳節可
憐三月三蘭葉自供遊女佩芸編聊對故人談洛橋車騎相望
客曾爲吳兒幾許慙

寄清涼和上人

南國風流百不存石頭今是給孤園山連雉堞斜侵路潮送漁
舟自到門方丈定容居士病貝多應待客兒翻縣知後日逢迎
際桃李春風兩不言

潘幽老出十數詩皆有懷蘇儋州者因賦

宋元詩會 卷之二十七

人煙寂絕鬼門關更指儋州杏莽間三四月交天漏雨東南地
盡水浮山依迷春草鴿原失響像秋風鶴馭還回美河陽賢父
子雪堂曾伴十年閒

答致仕吳朝請潘登黃鶴樓見招

城隅黃鶴莫登臨端使悲翁動楚吟日下長安人共遠天圍夢
澤歲方陰北風欲雪雁飛急南渚始冰魚伏淺誰似草堂安隱
客下帷隱几不求心

高郵舟中對雪

天涯晚歲客無歡擁鼻微吟行路難三楚浮程波淼淼五陵歸
夢雪漫漫免園授簡心猶壯剡曲拏舟興久關病骨支離仍禁
酒漁蓑重緝待春寒

廣陵茱萸灣晚泊